

貴州通志



貴州通志卷之三

地理

建置

貴州布政使司

貴州在唐虞時爲夏書禹貢梁州之南裔荊州之西鄙殷因於夏無所損益周武王克殷以巴濮楚鄧爲南土屬巴濮之地成王合梁於雍又爲雍州之南裔春秋時楚莊旣霸遂服於楚爲巫黔中地楚威王遣將莊蹻從沅水伐夜郎滅之遂至滇池

後漢書作楚頃襄王遣將莊豪按楚威王於周顯王三十五年立至四十年薨在位十年後歷顯王八年慎觀王五年至赧王三十五年秦取楚巫黔中地相距四十八年外遣莊蹻爲威王時事則莊蹻

在滇五十餘年何以淹久不歸再考楚頃襄王立  
於報王十六年距秦取地十九年其間莊臨率使  
至滇欲歸楚道不通其說近是至史記作莊臨前  
漢書仍之收漢書乃作莊豪查通鑑莊豹注莊  
宋戴武莊之族有出於楚者莊臨是也亦作臨  
後漢書改訂史漢似必有據但太史公去周秦未  
遠其所記威王及莊臨亦不應有誤今從秦昭王  
史記作威王莊臨附載頃襄王莊豪備考  
二十七年爲周赧王之三十五年取楚巫黔中地  
置黔中郡躡欲歸楚道不通遂留王滇而夜郎仍  
自立爲侯國旁邑且蘭之屬君長以十數獨夜郎  
最大西距邛笮東接交趾漢高帝四年改黔中郡  
爲武陵郡建元六年遣唐蒙通夜郎元鼎六年平  
且蘭遂平南夷置牂牁郡後置益州以牂牁屬焉  
牂牁各地理志字形不同前漢作牂牁後漢作牂  
牁附作牂牁史記西南夷傳及晉宋志俱作牂牁

始元二年分天下爲十三部武陵屬荊州

牂柯屬益州部後漢州郡因之建安十三年魏武  
盡得荊州之地及敗於赤壁吳與蜀漢分荊州江  
夏諸郡屬吳武陵諸郡屬蜀漢先主歿後復屬吳  
爲荊州十五郡之一而牂柯屬蜀漢之益州晉平  
吳荊州郡縣屢有分析而武陵郡常屬荊州泰始  
七年分益州置寧州統郡八牂柯屬焉州後廢大  
安二年復置永嘉二年分牂柯立平夷夜郎二郡  
咸康四年置安州分牂柯夜郎屬焉八年仍罷安  
州以所屬郡並入寧州然自太安後李氏據蜀益  
州郡縣悉爲所陷江左仍遙置之永和三年桓溫



平蜀始爲晉有咸安後再沒於苻氏太元八年復  
爲晉有劉宋時武陵領於郢州刺史牂柯平夷夜  
郎仍屬寧州平夷後避桓溫父彝之諱改爲平蠻  
蕭齊時州所領郡俱仍之梁承聖元年益州入於  
西魏平蠻諸郡多沒於麤蠻三年荊州入於西魏  
自後州郡沿革多無可考隋開皇初置牂柯郡廢  
武陵爲朗州大業初復置唐武德二年以巴蜀徼  
外蠻夷地置義州三年以牂柯首領謝龍羽地置  
牂州四年置黔州及戎州都督府以故興古郡置  
西平州以隋巴東郡之務川扶陽置務州以思州  
之寧夷縣置夷州五年改義州曰智州貞觀元年

廢夷州三年以南謝蠻首領謝疆地置南壽州四

年更名莊州復以黔州之都上縣開南夷置夷州

今石阡府又開南蠻置費州今思南府改務州爲思州八年

以辰州之龍標縣置巫州更西平州爲盤州今南

九年以隋牂柯郡之牂柯縣置播州今遵義府十一年

罷黔州都督府置莊州都督改智州爲牢州十二

年開夷獠置古州十六年廢牢州開山洞置溱州

今桐梓縣又置珍州今正安州垂拱二年以辰州麻陽縣地

及開山洞置錦州今銅仁府天授二年更巫州曰沅州

長安四年以沅州之夜郎渭溪置舞州景龍四年

廢莊州都督府置播州都督先天元年廢播州都

督府復置於黔州開元十三年更舞州爲鶴州復以沅州爲巫州二十年改鶴州爲業州二十一年分天下爲十五道設黔中道置黔中採訪使治黔州大厯五年改巫州曰叙州今黎平府改業州曰獎州今鎮遠府元和二年廢珍州入溱州思夷費播溱錦叙獎八州皆隸黔中採訪使古州隸嶺南採訪使盤牂則羈縻州也隸戎州及黔州都督府咸通十一年南詔陷播州乾寧三年黔南觀察使王肇以其地降於王建牂柯諸州不通中國蠻酋分據其地自置爲刺史五代後唐同光三年蜀王衍降得黔渝等六十四州天成二年牂柯清州刺史宋化朝

等一百五十人來朝及孟知祥據西川復不通貢  
五代晉天福五年都雲會長尹懷昌率其昆明  
等十二部牂柯張萬濬率其夷播等七州皆附於  
馬希範宋乾德元年平湖南三年平蜀諸溪洞蠻  
酋相繼歸附七月珍州刺史田景遷內附開寶元  
年改珍州爲高州九年獎州刺史田處達來貢太  
平興國三年夷州蠻任朗政等來貢八年錦叙諸  
蠻相率詣辰州言願比內郡輸租稅詔不許錦州  
刺史田漢希願與懿州今沅州刺史田漢瓊兩易其  
地詔許之又以知叙州舒德芬爲刺史咸平二年  
古州刺史向通展來貢詔有司鑄印以賜通展皆



羈縻州也崇寧以後始務開拓疆土置州郡比於內地四年三月王江古州蠻納土置懷遠軍尋改爲平州又尋廢平州於中古州置格州五年改爲從州大觀二年播州楊文貴獻地置播州樂源郡及遵義軍大駱解上下族帥獻地置珍州夷州酋獻地置承州又置溱州政和元年廢從州七年番部田祐恭內附置思州宣和三年廢承州改播州爲播川縣隸南平軍改遵義軍爲遵義砦隸珍州四年廢思州紹興元年復置靖平三年復以自綿堡爲播州咸淳末以珍州屬焉皆隸四川夔州路錦叙諸州則隸於荆湖北路之安撫使而唐時之

祥盤諸州在宋則爲羅甸于矢普里諸部及南詔  
之東鄙元憲宗時平雲南招降于矢部置普安路  
普里部歸附置普定路尋改爲府至元十三年烏  
撒部來附置烏撒路十四年思州田景賢播州楊  
邦憲來附俱授安撫司十五年羅氏鬼國王阿榨  
西南番言昌盛內附詔權及昌盛各爲其地安撫  
使十六年招降西南諸番各授以安撫使十七年  
改羅氏鬼國爲順元路置宣慰司二十年討平九  
溪十八洞定其地之可以設官者大處爲州小處  
爲縣並立總管府聽順元路宣慰司節制置貴州  
等處長官司領於順元安撫司此貴州之名所自

始也二十一年改烏撒爲軍民宣撫司改思播二  
州隸順元路二十四年陞烏撒宣撫司爲烏撒烏  
蒙宣慰司二十六年以八番羅甸隸四川省尋改  
隸湖廣省改金竹寨爲金竹府改播州爲播南路  
二十八年改八番羅甸隸四川省尋復隸湖廣立  
黃平府改播州安撫司爲宣撫司直隸四川行省  
立蠻葛軍民安撫司招古州等洞酋長詣闕貢獻  
招附光蘭州洞蠻置定遠府二十九年正月以普  
定路隸雲南省二月以思播等州隸湖廣省以羅  
甸隸雲南省大德七年改普定府爲路至治二年  
置八番軍民安撫司改長官司二十有八爲州縣

其置鎮遠府雲軍民府年分無考至正二十五年明太祖平漢畧地湖南思南田仁智歸附授思南宣慰司未幾思州田仁厚來獻地授思州宣慰司洪武四年順元宣慰司霽翠歸附改授貴州宣撫司置貴州衛五年播州宣慰司楊鏗歸附仍授宣慰使司六年陞貴州宣撫司爲宣慰使司九年置永寧衛改黃平府重安長官司及都雲金竹二府俱爲安撫司改八番諸安撫司爲長官司廢定遠府降鎮遠府爲州十四年改普定路爲普定府置普定衛改烏撒宣慰司爲烏撒府置平越衛十五年置烏撒衛設貴州都指揮使司十六年改普



安路爲普安軍民府改都雲府爲都勻安撫司置  
畢節衛十八年廢普定府二十二年置赤水興隆  
安莊三衛改普安府爲衛二十三年改蠻葛安撫  
司爲新添衛都勻安撫司爲都勻衛兼置龍里清  
平威清平壩安南五衛及安籠諸所二十六年置  
貴州前衛唯思南思州二宣慰司隸湖廣普安衛  
隸雲南餘俱隸四川布政使司永樂元年置普安  
安撫司十一年廢思南思州兩宣慰司設兩府又  
設鎮遠及銅仁石阡黎平烏羅新化六府設貴州  
等處承宣布政使司於貴州宣慰司治所領之改  
所隸四川雲南諸府州及宣慰宣撫安撫諸司俱

隸焉十三年改普安安撫司爲州十八年設貴州  
等處提刑按察使司省烏羅入銅仁府省新化入  
黎平府正統三年省鎮遠州入府成化十年設程  
番府於程番長官司洪治六年卽都勻衛城增置  
都勻府隆慶二年改程番府爲貴陽府移治布政  
司治所萬厯十九年改貴筑長官司爲新貴縣附  
郭二十年陞安順州爲安順軍民府二十八年減  
播以播地設平越及遵義二府而以遵義隸四川  
改湖廣平溪清浪偏橋鎮遠四衛隸貴州而以黎  
平府隸湖廣三十一年復以四衛隸湖廣黎平仍  
隸貴州崇禎三年以水西地設開州及敷勇鎮西

二衛計府十衛二十州九縣十四

國朝因之順治十八年平馬乃設普安縣隸安順府  
康熙三年平水西烏撒設平遠大定黔西威寧四  
府十一年改龍里平越清平都勻普定五衛爲縣  
省安莊衛入鎮寧州二十二年割湖廣鎮遠偏橋  
二衛隸貴州省鎮遠衛入鎮遠縣二十三年改黔  
西平遠爲州二十六年改貴州貴前二衛爲貴筑  
縣改敷勇衛爲修文縣省新添衛入貴定縣俱隸  
貴陽府改威清鎮西二衛爲清鎮縣改平壩衛爲  
安平縣改安南衛爲安南縣省普安衛入普安州  
改安籠所爲南籠廳俱隸安順府省烏撒衛入威

寧府改大定府爲州改永寧畢節二衛爲縣省去  
水衛入畢節縣俱隸威寧府省興隆衛入黃平州  
隸平越府省偏橋衛入施秉縣隸鎮遠府裁各府  
軍民字三十四年省新貴入貴筑縣雍正三年改  
湖廣五開銅鼓二衛隸黎平府四年平長寨仲苗  
移貴陽同知分駐其地仍隸貴陽府五年改南籠  
廳爲府分普安州普安縣安南縣并新設永豐州  
隸焉改銅鼓衛爲錦屏縣五開衛爲開泰縣俱領  
於黎平府又割湖廣之平溪衛爲玉屏縣清浪衛  
爲清溪縣俱領於思州府天柱縣領於黎平府隸  
四川遵義府並所轄遵義正安綏陽桐梓仁懷五



州縣隸貴州改永寧縣隸四川八年復以大定州  
爲府改威寧府爲州同黔西平遠畢節三州縣隸  
府是年新開闢苗疆設同知三駐八寨者隸都勻  
府駐清江者隸鎮遠府駐古州者隸黎平府通判  
三駐都江丹江者俱隸都勻府駐歸化者隸安順  
府九年討平松桃紅苗移正大營同知駐其地隸  
銅仁府設同知於郎岱隸安順府十年割廣西之  
荔波縣隸都勻府十一年改天柱縣隸鎮遠府移  
大定府通判分駐水城仍隸大定府移清水江同  
知駐台拱設通判駐清水江俱隸鎮遠府共領府  
十三州十四縣三十四分防同知六通判五